



Broj predmeta: 05-000159/26  
Broj akta: 01.1-1619SM-001/26  
Datum, 19. 2. 2026. godine  
Mjesto, Brčko

Na osnovu člana 16. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH”, broj: 17/23 – prečišćeni tekst i 23/24 i 38/25), člana 25. stav (5), a u vezi sa stavom (3) Zakona o slobodi pristupa informacijama u Brčko distriktu Bosne i Hercegovine („Službeni glasnik Brčko distrikta Bosne i Hercegovine“, broj: 38/25), na prijedlog Direkcije za finansije Brčko distrikta Bosne i Hercegovine, gradonačelnik donosi

## **ODLUKU** **O VISINI NAKNADE I NAČINU NAPLATE NAKNADE TROŠKOVA ZA PRISTUP** **INFORMACIJI**

### **Član 1.** **(Predmet)**

Odlukom o visini naknade i načinu naplate naknade troškova za pristup informaciji (u daljnjem tekstu: Odluka) utvrđuje se visina naknade i način naplate naknade materijalnih troškova za pristup informaciji, kao i naknada troškova dostave tražene informacije, koji nastaju u postupku povodom zahtjeva za pristup informacijama podnesenog instituciji Brčko distrikta Bosne i Hercegovine, a shodno odredbama Zakona o slobodi pristupa informacijama u Brčko distriktu Bosne i Hercegovine.

### **Član 2.** **(Visina naknade troškova)**

Visina naknade materijalnih troškova za fizička i pravna lica utvrđuje se u iznosu od:

- a) 50 feninga za troškove umnožavanja svake stranice standardne veličine;
- b) 30 feninga za troškove skeniranja odnosno pretvaranja jedne stranice dokumenta iz fizičkog u elektronski oblik;
- c) 1 konvertibilna marka za troškove nosača podataka u vidu upotrebe CD-a;
- d) 2 konvertibilne marke za troškove nosača podataka u vidu upotrebe DVD-a;
- e) 10 konvertibilnih maraka za troškove upotrebe USB stika za elektronsku dokumentaciju;
- f) troškovi dostave tražene informacije utvrđuju se prema važećem cjenovniku redovnih poštanskih usluga poštanskog operatera putem kojeg se izvršava dostavljanje.

**Član 3.**  
**(Obračun naknade troškova)**

- (1) Naknada materijalnih troškova iz člana 2. Odluke uplaćuje se prije dostavljanja tražene informacije.
- (2) Prvih 20 stranica za umnožavanje i pretvaranje stranica iz fizičkog u elektronski oblik je bez naknade, a svaka naredna stranica se naplaćuje u skladu s članom 2. stav (1) tačka a) i b) Odluke.
- (3) Ukoliko se informacije dostavljaju putem CD i DVD nosača podataka, ili USB-a, naplaćuju se i materijalni troškovi iz člana 2. stav (1) tačka c), d) i e) Odluke.
- (4) Materijalni troškovi iz člana 2. stav (1) tačka f) se obračunavaju ukoliko je podnosilac zahtjeva naznačio dostavljanje informacije putem poštanskog operatera.
- (5) Institucija Brčko distrikta Bosne i Hercegovine je dužna dostaviti podnosiocu zahtjeva obavijest o obračunu materijalnih troškova iz člana 1. Odluke, koje je neophodno uplatiti.
- (6) Tražena informacija će biti dostavljena po primitku dokaza o izvršenoj uplati materijalnih troškova.

**Član 4.**  
**(Način naplate naknade troškova)**

Način naplate naknade troškova iz člana 2. i 3. Odluke vrši se uplatom na Jedinostveni račun Trezora Brčko distrikta Bosne i Hercegovine u skladu s Odlukom o uplatnim računima prihoda budžeta i fondova Brčko distrikta Bosne i Hercegovine, načinu uplaćivanja tih prihoda i načinu i rokovima izvještavanja korisnika prihoda.

**Član 5.**  
**(Stupanje na snagu)**

Odluka stupa na snagu danom donošenja i objavljuje se u „Službenom glasniku Brčko distrikta BiH”.

**DOSTAVITI:**

1. Svim odjeljenjima Vlade Brčko distrikta BiH,
2. Direkciji za finansije Brčko distrikta BiH,
3. Policiji Brčko distrikta BiH,
4. Uredu koordinatora Brčko distrikta BiH pri Vijeću ministara BiH,
5. Uredu za upravljanje javnom imovinom Brčko distrikta BiH,
6. Svim javnim preduzećima Brčko distrikta BiH,
7. Skupštini Brčko distrikta BiH,
8. Institucijama Brčko distrikta BiH,
9. „Službenom glasniku Brčko distrikta BiH“,
10. Evidenciji,
11. Arhivi.

